

## "Дауыс беру құқығын беретін есептен шығару күәліктерін беру және есепке алу қағидаларын бекіту туралы" Қазақстан Республикасы Орталық сайлау комиссиясының 2009 жылғы 8 сәуірдегі № 161/306 қаулысына өзгерістер енгізу туралы

Қазақстан Республикасы Орталық сайлау комиссиясының 2020 жылғы 14 желтоқсандағы № 49/378 қаулысы. Қазақстан Республикасы Әділет министрлігінде 2020 жылғы 15 желтоқсанда № 21791 болып тіркелді

"Қазақстан Республикасындағы сайлау туралы" Қазақстан Республикасының 1995 жылғы 28 қыркүйектегі Конституциялық заңының 12-бабының 6-1) тармақшасына және 41-бабының 6-1-тармағына сәйкес Қазақстан Республикасы Орталық сайлау комиссиясы ҚАУЛЫ ЕТЕДІ:

1. "Дауыс беру құқығын беретін есептен шығару күәліктерін беру және есепке алу қағидаларын бекіту туралы" Қазақстан Республикасы Орталық сайлау комиссиясының 2009 жылғы 8 сәуірдегі № 161/306 (Нормативтік құқықтық актілерді мемлекеттік тіркеудің тізілімінде № 5653 болып тіркелген, 2009 жылғы 5 мамырдағы № 158-159 (25556) "Егемен Қазақстан" газетінде жарияланған) қаулысына мынадай өзгерістер енгізілсін:

1-тармақ мынадай редакцияда жазылсын:

"1. Облыстық, респубикалық маңызы бар қалалар мен Республика астанасының сайлау комиссиялары өнірлердегі сайлаушылардың қажеттілігіне байланысты осы Қағидаларға 1-қосымшаға сәйкес нысан бойынша дауыс беру құқығын беретін есептен шығару күәліктерінің (бұдан әрі - есептен шығару күәліктері) әрбір түрінің қажетті санын белгілейді және оларды Қазақстан Республикасының сайлаушы - азаматтарының бірыңғай электрондық тізіліміне сәйкес облыс, респубикалық маңызы бар қала және Республика астанасы бойынша сайлаушылардың жалпы санының кемінде бір пайызы есебінен дайындауды қамтамасыз етеді, бұл туралы шешім қабылданған кезден бастап бір күн мерзім ішінде Қазақстан Республикасы Орталық сайлау комиссиясына хабарлайды.

Облыстық, респубикалық маңызы бар қалалар мен Республика астанасының сайлау комиссиялары есептен шығару күәліктерін дауыс беру күніне дейін жиырма күннен кешіктірмей, тиісті аудандық, қалалық, қаладағы аудандық сайлау комиссияларына бөледі және береді.

Аудандық, қалалық, қаладағы аудандық сайлау комиссиялары дауыс беру күніне дейін он алты күннен кешіктірмей есептен шығару күәліктерін участекелік сайлау комиссияларына береді бөледі және.

Өнірлерде қосымша есептен шығару күәліктерінің қажеттігі туындаған жағдайда облыстық, республикалық маңызы бар қалалар мен Республика астанасының сайлау комиссиялары Қазақстан Республикасы Орталық сайлау комиссиясымен келісім бойынша себептерін жазбаша тұрде көрсете отырып, дауыс беру күніне дейін үш күннен кешіктірмей, есептен шығару күәліктерін қосымша дайындау туралы шешім қабылдайды.

Бір мезгілде бірнеше сайлау өткізілген жағдайда Орталық сайлау комиссиясы сайлаудың әрбір түрі бойынша есептен шығару күәлігінің әр түрлі түсін белгілейді.";

5-тармақ мынадай редакцияда жазылсын:

5. Участекілік сайлау комиссиясына келіп түскен өтініш бойынша есептен шығару күәлігін толтыруды комиссияның төрағасы немесе мүшесі сайлаушының қалауы бойынша мемлекеттік немесе орыс тілінде жүргізеді.

Есептен шығару күәлігінде бес таңбалы сериялық нөмірі болады және мынадай деректемелер қамтылуға тиіс:

- 1) сайлаушының тегі, аты, әкесінің аты (бар болған жағдайда);
- 2) сайлаушының тұған күні, жеке сәйкестендіру нөмірі (бұдан әрі - ЖСН);
- 3) сайлаушының жеке басын күәландыратын құжаттың берілген күні, нөмірі және оны берген органның атауы;
- 4) сайлаушының тұрғылықты жері тіркелген мекенжайы;
- 5) сайлаушы тұрғылықты жері бойынша сайлаушылардың тізіміне енгізілген сайлау участекесінің нөмірі және оның орналасқан жері;
- 6) сайлау атауы. Мәслихаттардың депутаттарын сайлау кезінде есептен шығару күәлігінде облыстық, қалалық, аудандық мәслихаттың депутатын сайлау жөніндегі тиісті сайлау округі көрсетіледі;
- 7) есептен шығару күәлігінің берілген күні;
- 8) участекілік сайлау комиссиясының мөрі;
- 9) есептен шығару күәлігін берген участекілік сайлау комиссиясы мүшесінің қолы.".2. Орталық сайлау комиссиясы аппаратының сайлау процесін ұйымдастыру бөлімі осы қаулының Қазақстан Республикасының Әділет министрлігінде мемлекеттік тіркелуін қамтамасыз етсін.
3. Осы қаулы оның алғаш ресми жарияланған күнінен бастап қолданысқа енгізіледі.

Қазақстан Республикасы  
Орталық сайлау комиссиясының Төрағасы

Б. Имашев